



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Breviario Concionatorio, Strenæ, Fidelis Prophetissa Concionibus de B. M. Virgine serviens, Conciones Occurrentes & Funebres

Tylkowski, Wojciech

Oliva, 1686

In Eadem Assumptione B. M. V.

[urn:nbn:de:hbz:466:1-51821](https://nbn-resolving.org/urn:nbn:de:hbz:466:1-51821)

suum ponit corbem Gen. 40. & ad hoc devenit, ut postea
 corvis laceretur, hoc luxuriæ proprium est, quia mentem exca-
 cat, & rationem pervertit. Greg. 6. in 1. Reg. 2. *Nulla sunt vitia
 quæ spissiores menti tenebras ingerunt, quàm libido.* Et tales abici-
 untur à DEO. Greg. ibid. c. 1. *Iustitiâ DEI peccator projicitur,
 quando ad perpetranda luxuriæ inquinamenta curvatur.* Et ibid. c. 2.
*De his qui puritatis merito jam Filii DEI vocabantur, in Genesi
 dicit Dominus non permanebit spiritus meus in homine in æternum
 quod caro sit. Caro quippe homo efficitur, quando sensui carnis ratio
 subjugatur.* Bestia sensibus regitur, quod videt, audit, ab eo
 pertrahitur, homo per rationem sensui dominatur, sed in luxu-
 rioso ratio subjugatur, ideò jam non est homo qui ratione uti-
 tur, sed bestia quæ sensu. In tali non permanebit Spiritus S. qui
 est lumen cordium, extincto verò lumine quid aliud de ho-
 mine fiet, quàm fit de cæco. A luxuria transitur ad caedes,
 virgo lapsa curat necem prolis, adultera mariti & tandem hominem
 evadit in Leonem. Quare statim post prohibitionem idolo-
 latriæ, festorum injuriæ, ac Parentum, DEUS posuit in Deca-
 logo legem de luxuria? respondet Tertull. adu Psychicos. *Quid
 delictum, intellige, cujus cohibitionem post idololatriam ordinavit, illud
 secundum longinque à primo, nihil tum proximum primo quam secun-
 dum, quod sit ex primo aliud quodammodo primum est, ideoque machie
 affinis est idololatria, nam & idololatria machie nomine & fornicati-
 nis populo sæpè exprobrata, etiam sorte conjungetur illi, & serie errorum
 damnationis coherebit illi, sicut & dispositione.*

In Accensione Domini,

Dicebat Martha ad Christum, dic Magdalena ut me ad-
 juvet, nos hæc verba circa B. Virginem reperimus, quæ
 sic Bern. serm. de Nativit. *Sic est ejus voluntas qui nos totum
 luit ho-*

luit habere per Mariam. Et ferm. 3. in vigil. Nativ. Christi. Quia indignus eras cui daretur, datum est Mariae ut per illam acciperes, quid quid haberes. Sed neque opus ut moneatur, cum ipsa ad succurrendum sit prompta. Richard. Victorin. in illud Cant. Duo ubera tua. *A DEO pietate replentur ubera tua, ut alicujus miseriae noticiam tacta, lac fundant misericordia, nec possit scire & non subvenire.* Scit verò multò melius nostras necessitates cum assumpta est in cœlum, quam scivit cum esset in terra, quia ut S. Th. 3. p. q. 10. q. 2. *Nulli intellectui beato deest quin cognoscat in verbo omnia que ad ipsum spectant.* Ad B. Virginem spectat cognoscere nostras necessitates. Quia est Mater nostra. Aug. lib. de S. Virg. c. 6. *Corpore Mater Capitis, spiritu membrorum.* Et quidem propter nos facta est Mater capitis, quia si Adam non peccavisset Christus non venisset, ex quo Anselm. de Excell. v. c. 6. *Si igitur illa propter peccatores, scilicet propter me, meique similes, facta est Mater DEI, cur illam erga me non Parentem sperabo? Et cap. 12. Cur itaque non jurabis nos, utique eris Mater nostra, quando proptec nos in tantam celsitudinem es elevata, ut te Dominantem habeat atque veneretur omnis creatura.* Ex Maternitate secuta est tam sublimis gloria quam hodie in cœlo obtinuit. Cum ita sit in nos prona debet orari, quia Bonav. in spec. *Non solum in te peccant o Domina qui tibi injuriam irrogant, sed qui etiam te non rogant.* Quia promptitudine illius nobis ad benefaciendum se offerente non utuntur, promptitudinem verò hunc non exercebit nisi ores, quia ut S. Th. 2. 2. q. 83. a. 2. *Et si DEUS omnia nostra sciat, & dare proposuerit, tamen orari debet. Ut impetremus quod disposuit per orationes Sanctorum esse implendum.* Aliunde etiam DEO debetur oratio, ut ibid. a. 3. *Quia, per orationem DEO homo reverentiam exhibet, scilicet ei se subjiciendo, & profitendo se eo indigere sicut auctore suorum donorum.* Assumptio ejus describitur in Cantic. *Ascendit sicut virgula fumi ex aromaticibus,*

G

certè

certe odorata. Apoc. Seniores odoramenta offerebant Agno, & ista erant orationes Sanctorum. Nostri orationibus illa quasi constaret, ascendit velut virgula fumi, illas secum defert, ut quæ petimus obtineat, ad hoc Evangelium hodie meminit castelli, quia ut Damasc. orat. de dormit. Virg. B. Virgo est, *Civitas refugii, civitas vivens Regis exercituum.*

In Festo SS. Corporis Christi.

ITA nobiscum hodie agitur, atque si alicui data esset res pulcherrima & optima, quæ satis delectari non posset, eamque per plateas circumferret, ostentaret: ita hodie habendo corpus Christi facimus, & merito. Zach. 9. *Quod enim bonum ejus aut pulchrum est nisi frumentum electorum & vinum germinans virgines?* Rursum hanc in nobis humiliatio debet oriri, si enim Miphiboseth filius Saulis cum esset jussus affidere mensæ Davidis 2. Reg. 9. *Adorans ait, quis ego sum servus tuus quia respexisti super canem mortuum similem mei?* Quanto magis nos. Quia Ruth. 2. concessit ipsi Ruth Booz colligere spicas in agro suo, non se potuit capere præ lætitia, sed hoc gaudium communicavit focui suæ. Si Rebecca Gen. 24. ostentabat dona oblata sibi à Procuratore Abrahæ, multò magis nos dicere possumus. *Venite, videte, quanta DEUS fecit animæ meæ.* Ponebantur, ut est 1. Reg. 21. semper calidi panes propositionis, nullus caler magis amore DEI quàm iste noster, in quo nobis omnem dat benedictionem, & ut Isaac Jacobum Gen. 21. *Frumento & vino stabilivit nos,* Et ultra hæc quid nobis faciet, cogita homo quid tibi velis plus fieri. Vis cum Angelis eodem cibo vesci. Pl. 77. *Panem Angelorum manducavit homo.* Vis certus esse de salute æterna. *Pignus futuræ gloriæ datur.* Vis esse affinis Christi? Cyrill. Alex lib. 10. in Joann. 13. *Sicut si quis liquefacta ceræ aliam ceram*